

## **KinyaRwanda - Abasirikare Ibyanditswe - Soldiers Scriptures**

### **Abanyaefezi 6:10-18**

- 10 Ibisigaye mukomerere mu Mwami no mu mbaraga z'ubushobozi bwe bwinshi.**
- 11 Mwambare intwaro zose z'Imana, kugira ngo mubashe guhagarara mudatsinzwe n'uburiganya bwa Satani.**
- 12 Kuko tudakirana n'abafite amaraso n'umubiri, ahubwo dukirana n'abatware n'abafite ubushobozi n'abategeka iyi si y'umwijima, n'imyuka mibi y'ahantu ho mu ijuru.**
- 13 Nuko rero mutware intwaro zose z'Imana, kugira ngo mubashe gukomera ku munsi mubi, kandi murangije byose mubashe guhagarara mudatsinzwe.**
- 14 Muhagarare mushikamye mukenyeye ukuri, mwambaye gukiranuka nk'icyuma gikingira igituza,**
- 15 mukwese inkweto, ari zo butumwa bwiza bw'amahoro bubiteguza,**
- 16 kandi ikigeretse kuri byose mutware kwizera nk'ingabo, ari ko muzashoboza kuzimisha imyambi ya wa mubi yose yaka umuriro.**
- 17 Mwakire agakiza kabe ingofero, mwakire n'inkota y'Umwuka ari yo Jambo ry'Imana,**
- 18 musengeshe Umwuka iteka mu buryo bwose bwo gusenga no kwinginga, kandi ku bw'ibyo mugumye rwose kuba maso, musabire abera bose.**

### **Zaburi 91:1-16**

- 1 Uba mu rwihihiso rw'Isumbababyose, Azahama mu gicucu cy'Ishoborabyose.**
- 2 Ndabwira Uwiteka nti "Uri ubuhungiro bwanjye n'igihome kinkingira, Imana yanje niringira."**
- 3 Kuko ari we uzagukiza ikigoyi cy'umugoyi, Na mugiga irimbura.**
- 4 Azakubundikiza amoya ye, Kandi uzajya uhungira munsi y'amababa ye, Umurava we ni ingabo n'icyuma kigukingira.**
- 5 Igiteye ubwoba cya nijoro ntikizagutinyisha, Cyangwa umwambi ugenda ku manywa,**
- 6 Cyangwa mugiga igendera mu mwijima, Cyangwa kurimbura gutsembe ku manywa y'ihangu.**
- 7 Abantu igihumbi bazagwa iruhande rwawe, Abantu inzovu bazagwa iburyo**

- bwawe, Ariko ntibizakugeraho.**
- 8 Uzabirebesha amaso yawe gusa, Ubone ibihembo by'abanyabyaha.**
- 9 Kuko ari wowe buhungiro bwanjye Uwiteka, Wagize Isumbababyose ubuturo,**
- 10 Nuko nta kibi kizakuzaho, Kandi nta cyago kizegera ihema ryawe.**
- 11 Kuko azagutegekera abamarayika be, Ngo bakurindire mu nzira zawe zose.**
- 12 Bazakuramira mu maboko yabo, Ngo udakubita ikirenge ku ibuye.**
- 13 Uzakandagira intare n'impoma, Uzaribata umugunzu w'intare n'ikiyoka.**
- 14 "Kuko yankunze akaramata ni cyo nzamukiriza, Nzamushyira hejuru kuko yamenye izina ryanje."**
- 15 Azanyambaza nanje mwitabe, Nzabana na we mu makuba no mu byago, Nzamukiza muhe icyubahiro.**
- 16 Nzamuhaza uburame, Kandi nzamwereka agakiza kanjye."**

**Zaburi 18:1-51**

- 1 Zaburi iyi yahimbiwe umutware w'abaririmbyi. Ni iya Dawidi, umugaragu w'Uwiteka, wabwiye Uwiteka amagambo y'iyi ndirimbo ku munsi Uwiteka yamukirije amaboko y'abanzi be n'aya Sawuli ati**
- 2 Ndagukunda ni wowe mbaraga zanje.**
- 3 Uwiteka ni igitare cyanje n'iglihome cyanje kinkingira n'umukiza wanje, Ni Imana yanje n'urutare rwanje rukomeye, Ni we nzahungiraho, Ni we ngabo inkingira n'ihembe ry'agakiza kanjye, Ni igihome cyanje kirekire.**
- 4 Nzajya nambaza Uwiteka ukwiriye gushimwa, Ni bwo nzakizwa abanzi banje.**
- 5 Ingoyi z'urupfu zarangose, Imyuzure yo kurimbuka yanteye ubwoba.**
- 6 Ingoyi z'ikuzimu zantaye hagati, Ibigoyi by'urupfu byantanze imbere.**
- 7 Mu mubabaro wanje nambaje Uwiteka, Natakiye Imana yanje, Yumvira ijwi ryanje mu rusengerero rwayo, Ibyo natakiye imbere yayo biyinjira mu matwi.**
- 8 Maze isi iratigita ihinda umushyitsi, Imfatiro z'imisozi na zo ziranyeganyega, Zitigiswa n'uburakari bwayo.**
- 9 Umwotsi ucumba mu mazuru yayo, Umuriro uva mu kanwa kayo uratwika, Havamo n'amakara yaka.**
- 10 Imanura ijuru iramanuka, Umwijima w'icuraburindi wari munsi y'ibirenge byayo.**
- 11 Iguruka ihetswe na kerubi, Igurukishwa vuba n'amababa y'umuyaga.**

- 12 Umwijima iwugira ubwihiho kuba ihema ryayo riyigose, Umwijima w'ibiremeshwa amazi, Ibicu bikomeye byo mu ijuru.**
- 13 Ubwiza burabagirana buri imbere yayo butuma ibicu byayo bikomeye bigenda, Hakagwa urubura n'amakara yaka.**
- 14 Kandi Uwiteka ahindishiriza inkuba mu ijuru, Usumbaboyose avuga ijwi rye, Hagwa urubura n'amakara yaka.**
- 15 Arasa imyambi ye atatanya abanzi banjye, Ni yo mirabyo myinshi arabirukana.**
- 16 Maze ubutaka bwo hasi y'amazi buraboneka, Imfatiro z'isi ziratwikururwa, Ku bwo guhana kwave Uwiteka, Ku bw'inkubi y'umwuka uva mu mazuru yawe.**
- 17 Ari mu ijuru arambura ukuboko aramfata, Ankura mu mazi y'isanzure.**
- 18 Ankiza umwanzi wanjye ukomeye, N'abanyangaga kuko bandushaga amaboko.**
- 19 Bari bantanze imbere ku munsi w'amakuba yanjye, Arikо Uwiteka ni we wambereye ubwishingikirizo.**
- 20 Abinkuramo anshyira ahantu hagari, Yankirije kuko yanyishimiraga.**
- 21 Uwiteka yangororeye ibikwiriye gukiranuka kwanjye, Nk'uko amaboko yanjye atanduye ni ko yangiriye.**
- 22 Kuko nitondeye inzira z'Uwiteka, Kandi ntakoze icyaha cyo kureka Imana yanjye.**
- 23 Kuko amateka yayo yose yari imbere yanjye, Kandi amategeko yayo ntayakuye imbere yanjye.**
- 24 Kandi nabanaga na yo ntungana, Nirinze gukiranirwa kwanjye.**
- 25 Ni cyo cyatumye Uwiteka anyitura ibikwiriye gukiranuka kwanjye, Ibikwiriye kutandura kw'amaboko yanjye mu maso ye.**
- 26 Ku munyambabazi uziyerekana nk'umunyambabazi, Ku utunganye uziyerekana nk'utunganye.**
- 27 Ku utanduye uziyerekana nk'utanduye, Ku kigoryi uziyerekana nk'ugoramye.**
- 28 Kuko uzakiza abacishijwe bugufi, Arikо amaso yibona uzayasubiza hasi.**
- 29 Ni wowe ukongeza itabaza ryanjye, Uwiteka Imana yanjye ni we umurikira umwijima wanjye.**
- 30 Kuko ari wowe umpa gutera umutwe w'ababisha, Kandi ari Imana yanjye impa gusimbuka inkike z'igihome.**
- 31 Inzira y'Imana itungana rwose, Ijambo ry'Uwiteka ryaravugutiwe, Ni ingabo ikingira abamuhungiraho bose.**
- 32 Ni nde Mana itari Uwiteka? Ni nde Gitare kitari Imana yacu?**

- 33 Ni yo Mana inkenyeje imbaraga, Igatunganya inzira yanje.**
- 34 Ni yo ihindura ibirenge byanje nk'iby'imparakazi, Impagarika ku misozi yanje.**
- 35 Yigisha amaboko yanje kurasana, Bituma amaboko yanje afora umuheto w'umuringa.**
- 36 Kandi wampaye ingabo inkingira ari yo gakiza kawe, Ukuboko kwave kw'iburyo kurandamira, Ubugwaneza bwawe bwanteye ikuzo.**
- 37 Intambwe zanje wazaguriye inzira, Ibirenge byanje ntibyanyereye.**
- 38 Nirukanye ababisha banje mbageraho, Sinagaruka batarimbutse.**
- 39 Narabamenaguye, ntibabasha kubyuka, Kandi baguye munsi y'ibirenge byanje.**
- 40 Kuko wankenyereje imbaraga kurwana, Abampagurukiye bakantera warabangomoreye.**
- 41 Watumye ababisha banje bampa ibitugu, Kugira ngo ndimbure abanyanga.**
- 42 Baratakambye ntihagira ubakiza, Batakiye Uwiteka ntiyabasubiza,**
- 43 Maze mbasya nk'umukungugu utumurwa n'umuyaga, Mbaribata nk'ibyondo byo mu nzira.**
- 44 Wankijije imirwano y'abantu, Wangize umutware w'amahanga, Ishyanga ntigeze kumenya ryarankoreye.**
- 45 Bumvise inkuru yanje uwo mwanya baranyoboka, Abanyamahanga barangomokeye baranshyeshya.**
- 46 Abanyamahanga babaye imihonge, Bava mu bihome byabo bahinda imishyitsi.**
- 47 Uwiteka ahoraho, Igitare cyanje gihimbazwe, Imana y'agakiza kanje ishyirwe hejuru.**
- 48 Ni yo Mana imp'rera, Ikangomorera amahanga nkayatwara.**
- 49 Inkiza ababisha banje, Ni koko unshyira hejuru y'abampagurukira, Unkiza umunyarugomo.**
- 50 Ni cyo gituma Uwiteka nzagushima mu mahanga, Ndirimba ishimwe ry'izina ryawe.**
- 51 Aha umwami yimitse agakiza gakomeye, Agirira imbabazi uwo yasize, Ni Dawidi n'urubyaro rwe iteka ryose.**